

## "وايت نايتس": الداخلية بتسرح كلابها علينا وتعملنا فح



الأربعاء 20 أغسطس 2014 12:08 م

صرح "وايت نايتس"، أولتراس مشجعي نادي الزمالك، أن قوات أمن الانقلاب اقتحمت عددًا من منازل أعضاء المجموعة، وقامت باعتقال آباء وأمهات الأعضاء، لإجبارهم على تسليم أنفسهم.

وأشارت الحركة في تصريحاتٍ عبر صفحتها على موقع التواصل الاجتماعي "فيسبوك"، أنه تم اعتقال 8 من أفراد المجموعة، تعرضوا للتعذيب بالكهرباء، في معسكر "الأمن المركزي"، الكيلو 10 ونصف، وأشارت إلى منع محامين المعتقلين من حضور عرض النيابة.

كما أضافت: "لما الداخلية تسرح علينا كلبها وتعملنا فح عشان نقع فيه قدام الناس كلها، فاحنا نطلع عاقلين ومنروحش ونحافظ على دم شبابنا ونكشفهم ونعريهم قدام الشعب كله .. فبعدها يسكتو ويدركوا أنهم مش مسئولين؟".

وأردفت أن تعامل داخلية الانقلاب باعتقال الأعضاء وأهاليهم، يتم وسط حالة من التعتيم الإعلامي المتعمد، والتي وصفته الحركة بأنها "بيرسخ لها الإعلاميين تنفيذًا لأوامر سيادية بعدم التعامل معانا"، مضيفةً "إحنا بنقول حقوق وهما بيقولوا لآ عايزين ظلم ودم ، طب انتو منتظرين الظلم ده يبقى آخرته إيه؟ عدل؟".

واختتم المنشور على صفحة الأولتراس بـ "البيوت لها حرمة يا أنجس البشر"، مضيفةً: "لو في حد في البلد دي شايف إننا سبب كل اللي بيحصل في البلد وأن الدور علينا، يطلع يقول كده، بدون تعقيم، وبدون تلفيق، وبدون ما يسرح كلابه علينا".

Ultras White Knights UWK

4 hrs · 🌐

الداخلية تقتحم منازل أعضاء المجموعة، وتعتقل آباء وامهات الاعضاء لإجبار إبناءهم على تسليم أنفسهم، قبل أن تعتقل 8 من أفراد المجموعة، وتم تعذيبهم بالكهرباء وسخلهم في معسكر الأمن المركزي الكيلو 10 ونص، ومنعت المحامين من حضور عرض النيابة اليوم !!

لما الداخلية تسرح علينا كلبها وتعملنا فح عشان نقع فيه ادم الناس كلها، فاحنا نطلع عاقلين ومنروحش ونحافظ على دم شبابنا ونكشفهم ونعريهم قدام الشعب كله .. فبعدها يسكتو ويدركوا انهم مش مسئولين؟ لاء، يعاقبونا ويعتقلوا الأعضاء وأهاليهم؟ احنا بنقول حقوق وهما بيقولوا لاء عايزين ظلم ودم ! كل ده في وسط حالة التعتيم الإعلامي اللي بيرسخ لها الإعلاميين تنفيذًا لأوامر سيادية بعدم التعامل معانا؟ طب انتو منتظرين الظلم ده يبقى اخرته ايه؟ عدل؟

لو في حد في البلد دي شايف أننا سبب كل اللي بيحصل في البلد وأن الدور علينا، يطلع يقول كده، بدون تعقيم، وبدون تلفيق، وبدون ما يسرح كلابه علينا.. بس البيوت لها حرمة يا أنجس البشر #الحرية\_للأولتراس